

Broj: 05/1-278/25
Tuzla 26.05.2025 godine

Na osnovu člana 3. i 30. Zakona o turističkim zajednicama (Službene novine Tuzlanskog kantona broj 11/15) člana 27. i 30. Statuta Turističke zajednice Tuzlanskog kantona (Službene novine Tuzlanskog kantona broj 5/17), Programa rada i Finansijskog plana Turističke zajednice Tuzlanskog kantona za 2025. godinu, Programa subvencija za aviosaobraćaj na Aerodromu Tuzla u cilju razvoja turizma na području Tuzlanskog kantona broj: 02/1-04-17170/25 od 22.05.2025.godine, te Odluke o raspisivanju Javnog poziva za dodjelu subvencija na Međunarodnom aerodromu Tuzla (broj 02-277-2/25 od 26.05.2025. godine) voditelj turističkog ureda Turističke zajednice Tuzlanskog kantona objavljuje:

JAVNI POZIV
za dodjelu subvencija za aviosaobraćaj na Međunarodnom Aerodromu Tuzla u cilju
razvoja turizma na području Tuzlanskog kantona

I Predmet Javnog poziva

Predmet Javnog poziva je dodjela subvencija aviokompanijama u cilju uspostave baze i novih aviolinija na Međunarodnom Aerodromu Tuzla, odnosno aviolinija na kojima se nije saobraćalo najmanje 12 mjeseci računajući unazad od dana objave teksta ovog Javnog poziva, koje vode ka razvoju turizma u Tuzlanskom kantonu.

Uspostava baze aviokompanije: Uspostava baze aviokompanije podrazumijeva da će aviokompanija na Međunarodnom aerodromu Tuzla stacionirati svoje avione i posadu, te s kojeg će obavljati redovne letove.

Nove aviolinije: Uspostava novih aviolinija odnosi se na strateške destinacije u državama kako slijedi:

1. Austrija;
2. Njemačka;
3. Francuska;
4. Zemlje Beneluksa;
5. Švedska;
6. drugim državama za koje Vlada Tuzlanskog kantona utvrdi da postoji opravdan interes shodno tržišnim promjenama u oblasti aviosaobraćaja (cijene, regulative, konkurencija, takse...), a na prijedlog Međunarodnog Aerodroma Tuzla.

II Svrha i cilj Javnog poziva

Svrha i cilj Javnog poziva je realizacija projekta razvoja turizma Tuzlanskog kantona kroz subvencioniranje aviosaobraćaja na Međunarodnom Aerodromu Tuzla, podsticanjem aviokompanija za:

- Uspostavu baze aviokompanije na Međunarodnom Aerodromu Tuzla;
- Uvođenje novih aviolinija ka strateškim destinacijama;
- Povećanje broja dolaznih putnika i razvoj turizma na području Tuzlanskog kantona.

III Način subvencioniranja

Sredstva za subvencioniranje aviosaobraćaja obezbijedena su za 2025. godinu u iznosu 1.200.000,00 KM (milioni dvjestotine hiljada konvertibilnih maraka), na potrošačkoj jedinici 22010001 Ministarstvo trgovine, turizma i saobraćaja – ekonomski kod 614300, subanalitika MAX100 (funkcija 0473), tekući transfer neprofitnim organizacijama.

Subvencioniranje avio saobraćaja vršit će se po dolazećem putniku na područje Tuzlanskog kantona u iznosu od 6 EUR/putnik, a koji iznos će se preračunavati u protuvrijednost valute KM prema srednjem kursu Centralne Banke BiH na dan realizacije subvencije.

Sredstva koja će se planirati shodno posebnoj odluci Vlade Kantona za period 2026 – 2028. godina u iznosu od 2.000.000,00 KM (dva miliona konvertibilnih maraka) godišnje, realizovat će se na način kako to bude uređeno zakonom o izvršenju budžeta za konkretnu fiskalnu godinu, a po istim principima revizije, kako je to utvrđeno tačkom III Programa subvencija za aviosaobraćaj na Aerodromu Tuzla u cilju razvoja turizma na području Tuzlanskog kantona broj: 02/1-04-17170/25 od 22.05.2025.godine.

Utvrđeni iznos subvencije po dolazećem putniku može biti predmet revizije na osnovu analize ekonomskih efekata u turizmu na području TK i tržišnih promjena u aviosaobraćaju, za period od 24 mjeseca od početka subvencioniranja. Revizija obuhvata procjenu ostvarenih rezultata (broj letova, broj dolaznih putnika, „load factor“, sezonalnost), efekata u turizmu (turistički promet, noćenja, prihodi), tržišnih okolnosti i urednosti ispunjavanja ugovornih obaveza. Revizija može dovesti do: nastavka ugovora, izmjene uslova subvencije, privremene obustave isplate ili prijedloga raskida ugovora.

IV Pravo učešća

1. Pravo učešća imaju aviokompanije koje ispunjavaju sljedeće uslove:

- a) posjeduju važeću Radnu dozvolu Operatora (Operation licence);
- b) posjeduju važeći EU AOC certifikat;
- c) registrovane su za obavljanje predmetne djelatnosti;
- d) u sastavu flote raspolažu operativnim zamjenskim avionom s najmanje 180 sjedišta;
- e) posjeduje uspostavljen sistem „online“ prodaje aviokarata i pratećih usluga;
- f) saobraćat će avionom/avionima sa minimalnim kapacitetom sjedišta 180.

2. Zainteresovane aviokompanije dužne su dostaviti prijavu koja sadrži dokumentaciju kako slijedi:

- a) Popunjen, potpisan i ovjeren obrazac za prijavu koji je sastavni dio Javnog poziva (dostupan na web stranici Turističke zajednice Tuzlanskog kantona www.tourism-tk.ba).
- b) Kopiju radne dozvole Operatora (Operation licence);

- c) Kopiju sertifikata važećeg EU AOC sertifikata;
- d) Kopiju aktuelnog izvoda iz sudskog registra ili ekvivalentnog dokumenta u svrhu dokaza o registraciji u drugom registru zemlje za obavljanje predmetne djelatnosti;
- e) Original Izjave o floti, sistemu prodaje i kapacitetima aviona iz tačke 1. pod d), e) i f) – izjave trebaju biti poptisane i ovjerene od strane lica ovlaštenog za potpisivanje navedenih i sličnih dokumenata, ukoliko je u pitanju lice koje nije navedeno kao lice za zastupanje u registracijskom dokumentu potrebno je dostaviti kopiju ovlaštenja za potpisivanje.

V Kriteriji za ocjenu prijave:

Prijave će se ocjenjivati na osnovu broja baziranih aviona i roka baziranja, broja novih linija ka strateškim destinacijama, ispunjavanja formalno-pravnih i tehničkih uslova, a konkretni kriteriji za bodovanje sadžani su u tabeli kako slijedi:

Naziv kriterija	Bodovanje (svakom baziranom avionu pojedinačno se dodjeljuju bodovi)	
	10 bodova	5 bodova
a) planirani broj baziranih aviona od dana potpisivanja ugovora: - rok za baziranje jednog aviona - rok za baziranje dva aviona - rok za baziranje tri i više aviona		
	do 180 dana	od 181 do 365 dana
	do 180 dana	od 181 do 365 dana
	do 180 dana	od 181 do 365 dana
b) planirani broj novih aviolinija prema destinacijama u državama utvrđenim kao strateške, u prvih 12 mjeseci od potpisivanja ugovora <u>Napomena: Učesnik u postupku Javnog poziva dužan je ponuditi uvođenje najmanje jedne nove destinacije u svakoj od utvrđenih strateških država. Za zemlje Beneluksa (Belgija, Nizozemska i Luksemburg) dovoljan je prijedlog najmanje jedne nove destinacije unutar bilo koje od navedenih država.</u>	6 ili više aviolinija	5 aviolinija

U slučaju jednakog broja bodova, prednost pri izboru ima aviokompanija koja trenutno održava veći broj redovnih, nesubvencioniranih linija sa Međunarodnog aerodroma Tuzla.

VI Način i rok prijave

Javni poziv objavljen je na službenoj web stranici Turističke zajednice Tuzlanskog kantona, JP „Međunarodni aerodrom Tuzla“ d.o.o., Ministarstva trgovine, turizma i saobraćaja Tuzlanskog kantona i Vlade Tuzlanskog kantona.

Rok za dostavljanje prijava ističe petog dana u 13:00 časova od dana objave javnog poziva na web stranici Turističke zajednice Tuzlanskog kantona www.tourism-tk.ba. Istovremeno sa objavom na web stranici www.tourism-tk.ba, tekst Javnog poziva bit će i dodatno upućen, putem elektronske pošte, na adrese najmanje tri potencijalno relevantne aviokompanije.

Prijava na Javni poziv dostavlja se putem elektronske pošte na adresu Turističke zajednice turzajtk@bih.net.ba.

Pored obaveze dostavljanja prijave putem elektronske pošte, aviokompanija obavezna je original prijave sa dokumentacijom dostaviti i na adresu Turističke zajednice (Muftije ef. Kurta br.1, 75000 Tuzla), u zatvorenoj koverti sa naznakom: „Javni poziv za subvencioniranje aviosaobraćaja - Ne otvaraj“ najkasnije u roku od 15 dana od isteka roka za dostavljanje prijave putem elektronske pošte.

Otvaranje prijava će se provesti istog dana kada ističe krajnji rok za dostavljanje prijava putem elektronske pošte u 14:00 časova u prostorijama Turističke zajednice.

VII Izbor i rokovi

Po isteku roka za dostavljanje prijava po objavljenom Javnom pozivu Komisija imenovana posebnim aktom Turističke zajednice Tuzlanskog kantona izvršit će pregled, ocjenu i rangiranje dostavljenih prijava aviokompanija u skladu sa uslovima i kriterijima koji su navedeni u ovom Javnom pozivu najkasnije u roku od 2 dana od dana otvaranja prijava.

O rezultatu Javnog poziva Turistička zajednica Tuzlanskog kantona donijet će Odluku koja će biti objavljena službenoj web stranici Turističke zajednice turzajtk@bih.net.ba najkasnije u roku 3 dana od dana dostavljanja preporuke Komisije.

VIII Prigovori

Na Odluku Turističke zajednice Tuzlanskog kantona, aviokompanija, koja je u postupku dostavila formalno-pravno ispravnu prijavu po Javnom pozivu, može izjaviti prigovor putem elektronske pošte na e-mail adresu turzajtk@bih.net.ba, u roku od tri dana od dana objave odluke na web stranici Turističke zajednice Tuzlanskog kantona.

Odluku po prigovoru donosi Turističko vijeće u roku od tri dana od dana dostavljanja prigovora. Odluka Turističkog vijeća je konačna.

IX Zaključenje ugovora

Turistička zajednica će zaključiti ugovor sa izabranom aviokompanijom, a kojim će se detaljno regulisati međusobna prava i obaveze najkasnije u roku 15 dana od dana donošenja Odluke o izboru avio kompanije za dodjelu subvencija.

Ukoliko sredstva subvencije po ovom Javnom pozivu budu dodijeljena aviokompaniji koja, u vrijeme raspisivanja Javnog poziva, već ima uspostavljene aviolinije prema destinacijama u državama iz tačke I ovog Javnog poziva, ugovorom će se propisati obaveza aviokompaniji da je dužna nastaviti saobraćati na već operativnim aviolinijama u trajanju najmanje 12 mjeseci od dana baziranja aviona na Međunarodnom Aerodromu Tuzla.


U suprotnom, davalac subvencije zadržava pravo jednostranog raskida ugovora, osim u slučaju ukidanja/reduciranja već operativnih avio linija iz razloga više sile i/ili dokazivih razloga ekonomske isplativosti.

X Dodatne informacije

Utvrđuje se da je po ovom Javnom pozivu elektronsko sredstvo – elektronska pošta definirano kao način komunikacije a isto će se koristiti za razmjenu dokumenata i provođenje postupka po ovom Javnom pozivu, dok će se za objavu dokumenata koristiti zvanična web stranica Turističke zajednice Tuzlanskog kantona www.tourism-tk.ba. Zvanični jezik na kojem će se vršiti komunikacija sa aviokompanijama je engleski. Postupak pravne zaštite vodi se na jednom od jezika koji su u službenoj upotrebi u Bosni i Hercegovini.



Turistička zajednica Tuzlanskog kantona
Voditelj Turističkog ureda


Miralem Mešković